

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
PREDSTAVNIČKI/ZASTUPNIČKI DOM
*Komisija za jednakopravnost spolova/
Povjerenstvo za jednakopravnost
spolova*



БОСНА И ХЕРЦЕГОВИНА
ФЕДЕРАЦИЈА БОСНЕ И ХЕРЦЕГОВИНЕ
ПАРЛАМЕНТ ФЕДЕРАЦИЈЕ
ПРЕДСТАВНИЧКИ ДОМ
Комисија за једнакоправност сполова

BOSNIA AND HERZEGOVINA
FEDERATION OF BOSNIA AND HERZEGOVINA
PARLIAMENT OF THE FEDERATION
HOUSE OF REPRESENTATIVES

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Broj: 01/10-02-113/26
Datum: 19. 1. 2026. godine

PREDSTAVNIČKOM DOMU
PARLAMENTA FEDERACIJE BiH

Primljeno:		19-01-2026	
Org. jed.	Broj	Priloga	Vrijednost

Komisija za jednakopravnost spolova Predstavničkog doma Parlamenta Federacije BiH (u daljnjem tekstu: Komisija) na 24. sjednici, održanoj 19. 1. 2026. godine, razmatrala je sljedeći dnevni red:

1. Usvajanje zapisnika sa 22. sjednice Komisije,
2. Prijedlog Budžeta Federacije BiH za 2026. godinu – hitni postupak,
3. Razno.

Na osnovu člana 44. a u vezi sa članom 66. Poslovnika Predstavničkog doma Parlamenta Federacije Bosne i Hercegovine, Komisija Predstavničkom domu podnosi sljedeći:

IZVJEŠTAJ

Ad-1. Usvajanje zapisnika sa 22. sjednice Komisije

Zapisnik sa 22. sjednice Komisije, jednoglasno je usvojen bez primjedbi.

Ad-2. Prijedlog Budžeta Federacije BiH za 2026. godinu – hitni postupak

Predsjednica je dala uvodne napomene, te je istakla da je Komisija u prethodnom periodu dala svoj veliki doprinos usvajanju Zakona o zaštiti od nasilja u porodici i nasilja prema ženama, kao i Strategiji za prevenciju i borbu protiv nasilja, ono što je posebno istakala jeste da su planirana sredstva u Budžetu FBiH za 2026. godinu za njihovo provođenje nedostatna. Članicama Komisije obatili su se direktor Gender centra Federacije BiH i ovlašteni predstavnik Federalnog ministarstva finansija. Nakon detaljne i sveobuhvatne diskusije sa 6 glasova *za*, jednim glasom *protiv*, usvojen je zaključak da Komisija za jednakopravnost spolova na Prijedlog Budžeta Federacije BiH za 2026. godinu ulaži sljedeći:

AMANDMAN I

PG 51011310902250. – Federalno ministarstvo rada i socijalne politike - Normativno i strateško upravljanje i sufinansiranje u oblastima socijalne zaštite, zaštite porodice i djece, Ekonomski kod 6143, tekući transferi neprofitnim organizacijama, Provedba Zakona o zaštiti od nasilja u porodici i nasilja prema ženama povećati za iznos od 200.000,00 KM, kako bi se ovaj iznos sa predviđenih 1.100.000,00 KM povećao na 1.300.000,00 KM.

Povećanje iznosa sa Ekonomskog koda 6143, tekući transferi neprofitnim organizacijama, Provedba Zakona o zaštiti od nasilja u porodici i nasilja prema ženama u iznosu od 200. 000,00 KM preusmjeriti sa koda 6000 iz Tekućih rezervi Vlade Federacije BiH.

OBRAZLOŽENJE

Kako je pitanje nasilja u porodici i nasilja prema ženama potrebno posmatrati u svjetlu porasta nasilja u Federaciji BiH koje je zabilježeno proteklih godina u vremenu višestrukih kriza u Federaciji BiH, neophodno je dodatno osnažiti sve mehanizme podrške predviđene kroz novi usvojeni pravni okvir zaštite žrtava nasilja u porodici i nasilja prema ženama u Federaciji BiH, ali i kroz usvojenu Strategiju za prevenciju i borbu protiv nasilja.

Dodatna sredstva koja su predviđena kroz Amandman, a u svrhu provedbe zakona Zakona o zaštiti od nasilja u porodici i nasilja prema ženama bila bi dodatna podrška kako za programe prevencije nasilja, tako i za obuke u okviru rada svih subjekata u lancu zaštite žrtava porodičnog i nasilja i nasilja prema ženama.

Ad-3. Tekuća pitanja

Za diskusiju o ovoj tački dnevnog reda nije bilo prijavljenih.

U skladu sa članom 53. Poslovnika Predstavničkog doma za izvjestiteljicu je određena Alma Kratina, predsjednica Komisije.

PREDSJEDNICA KOMISIJE

Alma Kratina